

「國家社會科學基金重大項目」

何建明

主編

中國地方志
佛道教文獻匯纂

人物卷

(41)

【國家社會科學基金重大項目（11&ZD119）】

中國人民大學佛教與宗教學理論研究所

何建明

主編

中國地方志
佛道教文獻匯纂

人物卷

（41）



國家圖書館出版社

中國地方志佛道教文獻匯纂·人物卷
浙江省 嘉興市

嘉興縣志

清·趙惟嶠修 石中玉 吳受福纂
清光緒三十四年（一九〇八）刻本

嘉興縣志卷二十六

署嘉興縣知縣南豐趙惟嶠重輯

列傳六 隱逸 寓賢

隱逸

包爾庚字長明御史節曾孫崇禎十年進士知羅定州後棄官爲僧終身不入城市少有文名一時攻帖括者皆步趨之著有直木居詩文集 徵獻錄 郡邑志 舊列文苑今改

史亶字亦元鼎革後自號籜冠道人精於元理年七十七忽示微疾作書別其中表譚貞默云三日後當脫去至期沐浴

浴易衣端坐而逝

何志 伊志 列孝義今改

沈起字仲方崇禎間諸生質敏讀經不沿傳注每自出意解聞者解頤晚入東禪寺爲僧名銘起嘗譏明書謂明不亡

於流寇而亡於厰衛斷自成化十二年秋始至設西厰絕

筆焉秀水曾王孫爲撰墓志著作見藝文司志按沈起

志入秀水隱逸據禾事雜吟注則偶嘉庠生其爲僧也號墨莊司志作墨庵今參訂

丁元公字原躬性孤潔與俗多齟齬畫兼山水人物老而秀

工而不纖能書精繆篆詩有奇氣不屑作庸熟語後髡髮

爲僧號願庵何志作詩僧淨淨其胸中有不可一世者靜志居詩話參畫徵

錄

孫肩字大山光裕子少能文爲諸生落託不治生計後棄家

爲僧名詮勝

何志作通勝

構淨業於梅溪能書一時顏額多出

其手亦藏古人法書名畫精鑒賞著有甲乙詩記

司志參伊志

司志列文苑府志入方外今改

嘉興縣志卷二十七

署嘉興縣知縣南豐趙惟嶠重輯

列傳七 藝術

宋

釋維貞縣人工傳神嘗被旨寫仁宗英宗御容賞賚殊厚名

公貴人多召至傳寫名大著

圖畫見聞志

釋希遁深於繕生之術又擇用日辰可代藥餌嘗過海州司馬韋敷見敷鑷白曰貧道爲公擇日更之越五六日請鑷其半及生色若驚矣凡三鑷之鬢不復變坐客有所鑷且強之曰惜取時稍爽耳後髭色果微綠意其術出於遁甲

故自稱希遁云

夷堅志

釋慧海善醫洛陽李敏求赴官東吳其妻病牙痛每發呻吟宛轉至不能堪沿路求醫慧海爲製一湯服之半月所苦良已後因食熱麪又作坐間煮湯以進一服而癒其神速如此視藥之標題初不著名但云涼血活血而已敏求報之厚徐以情叩之始知是四物湯

夷堅志

元

僧允才

趙圖記作元才

字雪岑出家石佛寺墨梅竹松學丁子卿

何志

嘉興府志

卷二十一

三

釋永徹字環照俗姓吳幼出家於精嚴寺之清隱房遇異僧

秘授金針能開一二十年瞽目兼善蘭竹士大夫雅重之

其徒孫聽竹亦善畫且能世其術

吳志

續藝術列傳

釋侃峯住蓮花庵工寫墨蘭

墨香居畫識

嘉興縣志卷三十六 署嘉興縣知縣南豐趙惟嶮重輯

叢譚

熙寧七年嘉興僧道親號通照大師爲秀州副僧正因遊溫州雁蕩山自大龍湫回欲至瑞鹿院見一人衣布襦行澗邊身輕若飛履木葉而過葉皆不動心疑其異人乃下澗中揖之遂相與坐於石上問其氏族閭里年齒皆不對鬚髮皓白面色如少年謂道親曰今宋朝第六帝也更後九年當有疾汝可持吾藥獻天子此藥人臣不可服服之有大責宜善保守乃探囊出一丸指端大紫色重如金錫以授道親曰龍壽丹也欲去又謂道親曰明年歲當大疫吳

越尤甚汝名已在死籍今食吾藥勉修善業當免此患探囊取一柏葉與之道親卽時食之老人曰慎守藥至癸亥歲自詣闕獻之言訖遂去南方大疫兩浙病死者十五六道親殊無恙至元豐六年夏夢老人趣之曰時至矣何不獻藥夢中爲雷電驅逐惶懼而起徑詣秀州具述本末謁假入京詣尙書省獻之執政親問以爲狂人不受其獻明日奏知上急使人追付內侍省問狀以所遇對未數日帝果不豫乃使勾當御藥院梁從政持御香賜裝錢百千同道親乘驛詣雁蕩山求訪老人不復見乃於初所遇處焚香而還帝尋康復

夢溪筆談

嘉興令陶家有子得疾奇甚形色語笑非復平日家患之會
天竺辯才法師元淨以事至家素聞其名卽詣謁具狀告
曰兒始得疾時一女子自外來相調笑久之俱去稍行至
水濱且言曰仲冬之月二七之期月盈之夕車馬來迎今
期逼矣未知所處願賜哀憐淨許諾杖策從至其家除地
爲壇設觀音菩薩像取楊枝霑水灑而呪之三遶壇而去
是夕兒寢安然明日淨結跏趺坐引兒問曰汝居何地而

來至此答曰會稽之東卞山之陽是吾之家古木蒼蒼又問姓誰氏答曰吳王山下無人處幾度臨風引舞腰淨曰汝柳氏乎靦然而笑淨曰汝無始以來迷已逐物爲物所轉溺於淫邪流浪千劫不自解脫入魔趣中橫生災害延及無辜汝亦當知魔卽法界我今爲汝宣說首楞嚴秘密神呪汝當諦聽痛自悔恨洗既往過愆返本來清淨覺性於是號泣不復有云是夕謂兒曰辯才之功汝父之虔無以加吾將去矣後二日復來曰久與子遊情不遽捨願一舉觴爲別因相對引滿作詩云仲冬二七是良時江下無緣與子期今日臨歧一杯酒共君千里遠相離

異聞總錄

呂道人居嘉興之春波橋萬厯初人雍正時猶有人見之者
隨處爲家善治水嘗於黃淮之間見築壩者水湍不能合
道人以袖揮之水退十餘丈工始成又嘗召五龍戲於河
中觀者如堵張文和廷玉澄懷園語有曹縣呂道人恐卽
是也

盛百二袖
堂續筆談

嘉興縣志卷三十七

署嘉興縣知縣南豐趙惟喻重輯

外紀

外紀下

晉

竺潛剡人興甯間詔講般若經於禁中暨還道過嘉興止於縣貴人家貴人知其有道行捨地作精舍居之

宋

受季真縣人許黃民奉經入剡爲馬朗所翹敬元嘉六年欲移居錢塘乃封其真經一廚付朗語此是仙靈之跡非我自來縱有書亦勿與人居士叟惠明以在剡甚樂經法而扁輪嚴固覽觀無方景和元年季真啟宋主敕就馬家取經及經至都敕於華林暫開以付後堂道士陸修靜

齊

張元之縣人陶宏景弟子建武中勅爲宗元館主又於菡山
澗上築臺以居時有白鶴來止遂名鶴臺

梁

爰遵祖縣人陶宏景弟子爲金陵館主

唐

僧伽何國人龍翔初遊方至嘉禾靈光寺見民家漁梁矧弋
交午苦諭宜別圖生計改業者甚眾旣行化至長安漸露
神異或身長二三尺或現十一面觀音相景龍二年中宗
迎入內道場尊爲國師尋出居薦福寺頂上有一穴以絮